



Broj: 02-11-921/25-AP-6  
Datum: 23.05.2025. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/2014, 59/2022 i 50/2024), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/2022 i 6/2023), člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4/2022), te preporuke Komisije za javne nabavke, u predmetu odabira najpovoljnije ponude u postupku dodjele ugovora o javnoj nabavci radova „Investiciono održavanje i sanacija nerazvrstanih cesta u 2025. godini“, Gradonačelnica Zavidovića, d o n o s i

## ODLUKU

### Član 1.

Prihvata se preporuka Komisije za javne nabavke, te se Ponuda ponuđača „IKAN“ d.o.o ZAVIDOVIĆI za javnu nabavku radova „Investiciono održavanje i sanacija nerazvrstanih cesta u 2025. godini“, sa ukupnom cijenom od 19.000,00 KM (slovima: devetnaest hiljada i 00/100 KM) bez uračunatog PDV-a, odnosno 22.230,00 KM (slovima: dvadesetdvijehiljadestotinetridest i 00/100 KM) sa uračunatim PDV-om, prihvata kao NAJPOVOLJNIJA PONUDA.

### Član 2.

Izabran ponuđač imaju obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku od 5 (pet) dana od dana prijema Odluke.

### Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### Član 4

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### Član 5.

Ova odluka stupa na snagu danom donošenja.

## O b r a z l o ž e n j e

Odlukom Gradonačelnice broj 02-11-921/25-AP-2 od 21.04.2025. godine pokrenut je postupak dodjele ugovora za javnu nabavku radova „Investiciono održavanje i sanacija nerazvrstanih cesta u 2025. godini“, u kojem se predviđa zaključivanje okvirnog sporazuma sa jednim privrednim subjektom na period od godinu dana od dana zaključivanja okvirnog sporazuma.

Navedeni postupak proveo se putem otvorenog postupka za koji je dana, 23.04.2025. godine upućeno Obavještenje o nabavci, broj 1374-1-3-58-3-44/25, na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 13.05.2025. godine do 12,00 sati dostavljeno je 5 (pet) ponuda i to ponude sljedećih ponuđača po prijemu prispjeća: 1. „GEO-PUT“ d.o.o. MAGLAJ; 2. „IKAN“ d.o.o. ZAVIDOVIĆI; 3. „MGV GRADNJA“ d.o.o. ZAVIDOVIĆI; 4. GP „HELDOVAC“ d.o.o. ŽEPČE; i 5. „BN TRANSPORT“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda broj: 02-11-921/25-AP-2 od 13.05.2025. godine i Zapisnik o ocijeni ponuda, broj: 02-11-921/25-AP-3 od 13.05.2025. godine. U postupku javne nabavke utvrđeno je sljedeće: da je ukupno pristiglo 5 (pet) ponuda, da su ponude blagovremeno zaprimljene i da su sve ponude formalno ispravne i tehnički zadovoljavajuće.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije, dana 21.05.2025. godine, Komisija za javne nabavke Grada Zavidovića dostavila je Dopunu zapisnika o pregledu i ocjeni ponuda nakon e-aukcije, broj: 02-11-921/25-AP-4 od 22.05.2025. godine u kojem je izvršila rangiranje ponuđača kako slijedi :

| R/br | Naziv/ime ponuđača               | Ponuđena cijena bez PDV-a |
|------|----------------------------------|---------------------------|
| 1.   | „IKAN“ d.o.o. ZAVIDOVIĆI         | 19.000,00 KM              |
| 2.   | „BN TRANSPORT“ d.o.o. ZAVIDOVIĆI | 19.990,00 KM              |
| 3.   | GP „HELDOVAC“ d.o.o. ŽEPČE       | 29.045,00 KM              |
| 4.   | „MGV GRADNJA“ d.o.o. ZAVIDOVIĆI  | 29.125,00 KM              |
| 5.   | „GEO-PUT“ d.o.o. MAGLAJ          | 29.570,00 KM              |

Ponuda ponuđača „IKAN“ d.o.o. ZAVIDOVIĆI, sa ukupnom cijenom od 19.000,00 KM (slovima: devetnaest hiljada i 00/100 KM) bez uračunatog PDV-a, odnosno 22.230,00 KM (slovima: dvadeset dvije hiljade dvjestotinetrdeset i 00/100 KM) sa uračunatim PDV-om, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.


Cijeneći pravilnost provedenog postupka dodjele ugovora o javnoj nabavci radova „Investiciono održavanje i sanacija nerazvrstanih cesta u 2025. godini“, te datu preporuku od strane Komisije za javne nabavke, odlučeno je kao u dispozitivu ove Odluke.


#### POUKA O PRAVNOM LIJEKU:


Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Akt pripremila:   
(Sanela Mulahasanović)

Akt pregledao:   
(Midhat Bajramović)

Akt pregledao:   
(Nermin Čahtarević)

GRADONAČELNICA  
mr. iur. Erna Merdić Smailhodžić  
